

ქ. თბილისის მუნიციპალიტეტის მერია
ნაძალადევის რაიონის გამგეობა



ქ. თბილისში, ნაძალადევის რაიონში საკანალიზაციო ქსელის მოწყობის
სამუშაოების საპროექტო-სახარჯთაღრიცხვო დოკუმენტაციის შედგენის
გამარტივებული ელექტრონული ტენდერის
სატენდერო დოკუმენტაცია

CVP კოდი - 71320000

ქ. თბილისი
2016 წელი

1. ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად. იხ. ვებ. გვერდი <http://procurement.gov.ge/>

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 შემსყიდველ ორგანიზაციაში წარმოსადგენი ყველა დოკუმენტი ან/და ინფორმაცია ხელმოწერილი ან/და ბეჭედადამული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად

1.6 სატენდერო დოკუმენტაციაში განსაზღვრულ შესასყიდ საქონელზე, სადაც მითითებული იქნება კონკრეტული სასაქონლო ნიშანი, მოდელი, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი“ ან „ეკვივალენტური“.

1.7 პრეტენდენტს არა აქვს უფლება წარმოადგინოს ალტერნატიული სატენდერო წინადადება

1.8 *თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტს არ მოსთხოვს ფასწარმოქმნის ადეკვატურობის დასაბუთებას იმის გათვალისწინებით, რომ საპროექტო დოკუმენტაციის მომზადება თავის მხრივ არ შეიცავს მნიშვნელოვან მატერიალურ დანახარჯებს (ძირითადია მიმწოდებლის ხელფასი და კომპანიის არამატერიალური დანახარჯები).*

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. მის: ქ. თბილისი, სანაპირო კ.16 მ/ტ ნამალაძევის რაიონის გამგეობის ადმინისტრაციული შენობა.

საკონტაქტო პირი: ასმათ ჯანგულაშვილი 598 97 22 97,

ტექნიკურ საკითხებთან დაკავშირებით: ბეჟან ხუციშვილი 577-52-11-24

2. ტექნიკური მოთხოვნები

2.1 შესყიდვის ობიექტის აღწერა:

ნაძალადევის რაიონის ტერიტორიაზე საკანალიზაციო ქსელის მოწყობა-რეაბილიტაციის სამუშაოების საპროექტო-სახარჯთაღრიცხვო დოკუმენტაციის და ტექნიკური დავალებების შედგენის მომსახურება, რაც ითვალისწინებს შემდეგს:

1. განმარტებითი ბარათი;
2. ობიექტის სიტუაციური გეგმის შედგენა;
3. საპროექტო ობიექტის ფოტომასალა არსებული მდგომარეობით;
4. გენ.გეგმა 1:500 მასშტაბით;
5. საკანალიზაციო ქსელის გრძივი პროფილი;
6. სამუშაოთა მოცულობების, გამოსაყენებელი მასალების ზუსტი აღწერა და შესაბამისი უწყისების შედგენა;
7. სათვალთვალო ჭის კონსტრუქცია;
8. არსებული ნორმების საფუძველზე რესურსული მეთოდით ხარჯთაღრიცხვის შედგენა მიმდინარე საბაზრო ფასებით;
9. რელიეფის საინჟინრო-გეოლოგიური კვლევა (საჭიროების შემთხვევაში).
10. სამშენებლო სამუშაოების წარმოების დროს გათვალისწინებული უნდა იქნეს საავტორო ზედამხედველობა სამუშაოების მიმდინარეობის მთელი პერიოდის განმავლობაში. სრული საპროექტო დოკუმენტაციის წარმოდგენა ელექტრონული ვერსიის (DWG და PDF ფორმატში) და ნაბეჭდი სახით (ოთხ ეგზემპლარად)

2.2 შესყიდვის ობიექტის მისამართები და ტექნიკური პირობა

მონადირის, ისაკიანისა და მათ მიმდებარე ქუჩებზე საკანალიზაციო ქსელი მოწყობა:

ობიექტის საკანალიზაციო ქსელი შესაძლებელია ჩაირთოს ორი მიმართულებით:

-

I მიმართულება (ძირითადი ნაწილი) უნდა ჩაირთოს მუხიანში, გობრონიძის ქუჩაზე, ეკლესიასთან 500 მმ დიამეტრის ქსელში, ჩაღრმავება 4,0 მ, (დ=300 მმ) –600 გრძ/მ.

-

II მიმართულება უნდა ჩაირთოს სააკიანის ქუჩაზე, პურის ქარხნის მიმდინარედ გამავალ 300 მმ დიამეტრის ქსელში, ჩაღრმავება 3,0 მ. – 700 გრძ/მ

(მოსაწყობი კანალიზაციის განშტოებების დიამეტრები შესაძლებელია დაკორექტირდეს პროექტირების დროს, რომელიც უნდა შეთანხმდეს კომპანია GWP-სთან).

ობიექტის მშენებლობის დროს დაცული უნდა იყოს ქსელების დაშორების სანიტარული და სამშენებლო ნორმები, მათ შორის შენობა-ნაგებობის დაშორებას ქსელებიდან 5,0 მეტრით.

ზემოაღნიშნული მოთხოვნების საფუძველზე აუცილებელია კანალიზაციის გარე ქსელების პროექტის შედგენა და შპს „ჯორჯიან უოთერ ენდ ფაუერთან“ შეთანხმება.

შენიშვნა: საპროექტო სამუშაოების დაწყებამდე და მუშა დოკუმენტაციის შედგენის დროს, საპროექტო გადაწყვეტილების შესათანხმებლად, პროექტის ავტორი ვალდებულია დაუკავშირედეს შემსყიდველ ორგანიზაციის წარმომადგენლებს.

3. გამოცდილება

- 3.1 პრეტენდენტს უნდა გააჩნდეს 2014 წლის 1 იანვრიდან დღემდე მინიმუმ **20 000,0 (ოცი ათასი) ლარის** ანალოგიური მომსახურების (სანიაღვრე-სადრენაჟე ან/და წყალსადენ-კანალიზაციის ქსელების მოწყობა-რეაბილიტაციის სამუშაოების საპროექტო-სახარჯთაღრიცხვო დოკუმენტაციის, ტექნიკური დავალებების და დეფექტური აქტების შედგენა) შესრულების გამოცდილება. ინფორმაცია გამოცდილების შესახებ წარმოდგენილი უნდა იქნეს დანართი #2-ის შესაბამისად.
- 3.2 იმ შემთხვევაში, თუ დანართი #2-ში მითითებული სამუშაოების შესყიდვა არ განხორციელებულა სახელმწიფო შესყიდვების ერთიანი ელექტრონული სისტემის გამოყენებით, პრეტენდენტის მიერ შესრულების დამადასტურებელი დოკუმენტაცია (ხელშეკრულება და მიღება-ჩაბარების აქტი) უნდა აიტვირთოს სატენდერო წინადადებასთან ერთად.

4. სხვა მოთხოვნები

- 4.1 მომსახურების გაწევის პირობები და ვადები:
- 4.1.1 მიწოდების ვადა: ხელშეკრულების გაფორმებიდან 40 (ორმოცი) კალენდარული დღე;
- 4.1.2. საპროექტო დოკუმენტაცია მიმწოდებლის მიერ ექსპერტიზისათვის წარედგინება ააიპ „თბილისის მუნიციპალურ ლაბორატორიას“. ექსპერტიზის მომსახურების ღირებულების ანაზღაურებას უზრუნველყოფს შემსყიდველი;
- 4.1.3. მიღება-ჩაბარების აქტი გაფორმდება და შესრულებული სამუშაო დათქმულ ვადაში მიღებულად ჩაითვლება ააიპ „თბილისის მუნიციპალური ლაბორატორიის“ მიერ გაცემული დადებითი (შესრულებული სამუშაოს თაობაზე) საექსპერტო დასკვნის შემთხვევაში.
- 4.1.4. ექსპერტიზაგავლილი საპროექტო დოკუმენტაციის მიწოდების ადგილი: ქ. თბილისი, სანჯონა, კორპ. N16 მ/ტ -ნაძალადევის რაიონის გამგეობის ადმინისტრაციული შენობა.
- 4.1.5. მიმწოდებელი ვალდებულია შემსყიდველის მოთხოვნის შემთხვევაში დაუყოვნებლივ მოახდინოს საპროექტო დოკუმენტაციის კორექტირება, აღნიშნული ვალდებულება ძალაშია ხელშეკრულების გაფორმებიდან 2 (ორი) წლის განმავლობაში.

4.2 სატენდერო წინადადების ფასი:

- 4.2.1 სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 4.2.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

4.3 ანგარიშსწორების პირობები:

- 4.3.1 ანგარიშსწორება მოხდება უნაღდო ანგარიშსწორებით ლარში.
- 4.3.2 ანგარიშსწორება მოხდება 2016 წ. თბილისის ბიუჯეტის სახსრებით.
- 4.3.3 წინასწარი ანგარიშსწორების (ავანსი) არ გამოიყენება

5. პრეტენდენტის მიერ ერთიან ელექტრონულ სისტემაში ასატვირთი მონაცემები:

- 5.1 რეკვიზიტები დანართი N1-ის შესაბამისად;
- 5.2 ინფორმაცია პრეტენდენტის გამოცდილების შესახებ დანართი №2-ის შესაბამისად;
- 5.3. მომსახურების ხარჯთაღრიცხვა დანართი №3-ის მიხედვით

შენიშვნა:

- *პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.*

6. ხელშეკრულება სახელმწიფო შესყიდვის შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ქ. თბილისი

-----2016 წელი

1. ხელშეკრულების დამდები მხარეები

ერთის მხრივ ქალაქ თბილისის მუნიციპალიტეტის მერის ნაძალადევის რაიონის გამგეობა (შემდგომში – შემსყიდველი), წარმოდგენილი ----- სახით და მეორეს მხრივ ----- (“შემდგომში მიმწოდებელი”), წარმოდგენილი-----სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

2.1 ხელშეკრულების (შესყიდვის) ობიექტია - ქ. თბილისში, ნაძალადევის რაიონში საკანალიზაციო ქსელის მოწყობის სამუშაოების საპროექტო დოკუმენტაციის შედგენის მომსახურება, რომლის პირობებიც განსაზღვრულია ხელშეკრულების დანართით (ტექნიკური დავალება), რომელიც თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება - გამარტივებული ელექტრონული ტენდერი.

2.3 გამარტივებული ელექტრონული ტენდერის განცხადების ნომერი -----

2.4 ხელშეკრულების ღირებულება შეადგენს ----- ლარს, ყველა გადასახადის ჩათვლით.

2.5 კლასიფიკატორის კოდი - 71320000;

2.6 ხელშეკრულება ძალაშია ხელშეკრულების გაფორმებიდან ---- მდე/ ჩათვლით.

3. მომსახურების გაწევის პირობები და მიწოდების ვადები

3.1 მომსახურების გაწევის პირობები და ვადები:

3.1.1 მიწოდების ვადა: ხელშეკრულების გაფორმებიდან 40 (ორმოცი) კალენდარული დღე;

3.1.2. საპროექტო დოკუმენტაცია მიმწოდებლის მიერ ექსპერტიზისათვის წარედგინება ააიპ „თბილისის მუნიციპალურ ლაბორატორიას“. ექსპერტიზის მომსახურების ღირებულების ანაზღაურებას უზრუნველყოფს შემსყიდველი;

3.1.3. მიღება-ჩაბარების აქტი გაფორმდება და შესრულებული სამუშაო დათქმულ ვადაში მიღებულად ჩაითვლება ააიპ „თბილისის მუნიციპალური ლაბორატორიის“ მიერ გაცემული დადებითი (შესრულებული სამუშაოს თაობაზე) საექსპერტო დასკვნის შემთხვევაში;

3.1.4. ექსპერტიზაგავლილი საპროექტო დოკუმენტაციის მიწოდების ადგილი: ქ. თბილისი, სანჯონა, კორპ. N16 მ/ტ -ნაძალადევის რაიონის გამგეობის ადმინისტრაციული შენობა;

3.1.5. მიმწოდებელი ვალდებულია შემსყიდველის მოთხოვნის შემთხვევაში დაუყოვნებლივ მოახდინოს საპროექტო დოკუმენტაციის კორექტირება, აღნიშნული ვალდებულება ძალაშია ხელშეკრულების გაფორმებიდან 2 (ორი) წლის განმავლობაში.

4. გასაწევი მომსახურების ხარისხი

4.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი;

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის მერიის ნაძალადევის რაიონის გამგეობის ინფრასტრუქტურული პროექტების მართვისა და პროექტირების განყოფილების თანამშრომლები;

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი;

5.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა ხარვეზის ან ნაკლის აღმოფხვრა.

6. შესყიდვის ობიექტის მიღება-ჩაბარების წესი

6.1 შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ;

6.2 შესყიდვის ობიექტზე საბოლოო მიღება-ჩაბარების აქტი გაფორმდება და შესრულებული სამუშაო დათქმულ ვადაში მიღებულად ჩაითვლება ააიპ „თბილისის მუნიციპალური ლაბორატორიის“ მიერ გაცემული დადებითი (შესრულებული სამუშაოს თაობაზე) საექსპერტო დასკვნის შემდგომ;

6.3 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები;

6.4. შემსყიდველი ვალდებულია აცნობოს მიმწოდებელს საპროექტო დოკუმენტაციაში რაიმე წუნის (ხარვეზის) აღმოჩენის შესახებ, ხოლო მიმწოდებელი ვალდებულია შენიშვნის გაცნობიდან არაუგვიანეს 5 სამუშაო დღის ვადაში საკუთარი ხარჯებით აღმოფხვრას საპროექტო დოკუმენტაციაში აღმოჩენილი წუნი;

6.5 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში;

7.2 ანგარიშსწორება მოხდება 2016 წლის ქ. თბილისის ნაძალადევის რაიონის ადგილობრივი ბიუჯეტის სახსრებით, გაწეული მომსახურების მოცულობების მიხედვით, მიღება-ჩაბარების აქტის გაფორმებიდან არაუგვიანეს 10 (ათი) კალენდარული დღის განმავლობაში;

7.3 ხელშეკრულების 8.2 პუნქტის დარღვევის შემთხვევაში მიმწოდებელზე დაკისრებული ჯარიმის ანაზღაურებამდე შემსყიდველი უფლებამოსილია უარი თქვას ანგარიშსწორებაზე (თანხის ჩათვლაზე). ამ შემთხვევაში ანგარიშსწორება (თანხის ჩათვლა) განხორციელდება მიმწოდებლის მიერ შესაბამის ანგარიშზე ჯარიმის გადახდის შემდეგ;

7.4. საავანსო ანგარიშსწორება არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით

შესრულების შემთხვევაში გამოიყენება საჯარიმო სანქციები;

8.2 მიმწოდებელი იღებს ვალდებულებას მომსახურების გაწევის საბოლოო ვადის დარღვევის შემთხვევაში გადაუხადოს პირგასამტეხლო შემსყიდველს ყოველ ვადაგადაცილებულ დღეზე შეუსრულებელი სამუშაოს ღირებულების 0.5 %-ის ოდენობით;

8.3 წინარე ხელშეკრულებით გათვალისწინებული ვალდებულებების ორჯერ დარღვევის ან შემსყიდველის მიერ განსაზღვრული მომსახურების საბოლოო ვადის 5 კალენდარულ დღეზე მეტი ვადით გადაცილების ან ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 10% -ის ოდენობით;

8.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში;

8.5 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ;

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;

ბ) მიმწოდებლის მიერ მომსახურების საბოლოო ვადის 10 კალენდარულ დღეზე მეტი ვადით გადაცილების ან მიწოდების ვადების დარღვევის შემთხვევაში.

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორსმაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორსმაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. უფლებების გადაცემა

12.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13. ღირებულება

13.1 მხარეთა შეთანხმებით დასაშვებია ხელშეკრულების საერთო ღირებულების შეცვლა;

13.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;

13.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა;

13.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით;

14.2 ხელშეკრულებაში მოწაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს;

14.3 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით;

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს;

15.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს;

15.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები;

15.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით;

16.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

შემსყიდველი:

მიმწოდებელი:

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება

ბანკის კოდი:

ანგარიშსწორების ანგარიში:

პრეტენდენტის ხელმოწერა და ბეჭედი -----

მონაცემები პრეტენდენტის მიერ განხორციელებული ანალოგიური მომსახურების შესრულების შესახებ

პრეტენდენტის დასახელება _____

N	მომსახურების დასახელება	შემსყიდველის დასახელება	ხელშეკრულების ღირებულება	SPA
1.				
2.				
3.				
n				

შენიშვნა:

პრეტენდენტს უნდა გააჩნდეს 2014 წლის 1 იანვრიდან დღემდე მინიმუმ 20 000,0 (ოცი ათასი) ლარის ანალოგიური მომსახურების (სანიაღვრე-სადრენაჟე ან/და წყალსადენ-კანალიზაციის ქსელების მოწყობა-რეაბილიტაციის სამუშაოების საპროექტო-სახარჯთაღრიცხვო დოკუმენტაციის, ტექნიკური დავალებების და დეფექტური აქტების შედგენა) შესრულების გამოცდილება. ინფორმაცია გამოცდილების შესახებ წარმოდგენილი უნდა იქნეს დანართი #2-ის შესაბამისად.

იმ შემთხვევაში, თუ დანართი #2-ში მითითებული სამუშაოების შესყიდვა არ განხორციელებულა სახელმწიფო შესყიდვების ერთიანი ელექტრონული სისტემის გამოყენებით, პრეტენდენტის მიერ შესრულების დამადასტურებელი დოკუმენტაცია (ხელშეკრულება და მიღება-ჩაბარების აქტი) უნდა აიტვირთოს სატენდერო წინადადებასთან ერთად.

ხელმოწერა _____ ბ.ა.

მომსახურების ხარჯთაღრიცხვა

პრეტენდენტის დასახელება _____

N	დასახელება	ღირებულება (ლარი)
1	მონადირის, ისაკიანისა და მათ მიმდებარე ქუჩებზე საკანალიზაციო ქსელი მოწყობა (1300 გრძ.მ)	
	ჯამი	
	დღგ - 18%	
	სულ	

შენიშვნა:
სრული საპროექტო დოკუმენტაციის დაკომპლექტება და წარმოდგენა ელექტრონული ვერსიისა (DWG და PDF ფორმატში, ხარჯთაღრიცხვა Excel-ის ფორმატი) და ნაბეჭდი სახით, ფონტით - „Sylfaen”, ხოლო ლათინური სიმბოლოები - „Calibri“-ით (ოთხ ეგზემპლარად) (ობიექტების მიხედვით).

ხელმოწერა _____ ბ.ა